



SLUŽBENI GLASNIK

GRADA VISOKO

GODINA LVII

Visoko, PETAK 05. maj 2023. godine

BROJ 04

37.

Na osnovu člana 50. Zakona o principima lokalne samouprave u Federaciji BiH („Službene novine FBiH“, broj: 49/06), člana 21. stav 1. tačka 13. Statuta Grada Visoko („Službeni glasnik Grada Visoko“, broj: 10/21), Gradsko vijeće Visoko, na 27. sjednici, održanoj 27.04.2023. godine, donijelo je

ODLUKU

o uspostavljanju saradnje i prijateljstva između Općine Silivri u Republici Turskoj i Grada Visoko

Član 1.

Općina Silivri u Republici Turskoj i Grad Visoko uspostaviti će i razvijati međusobnu saradnju u oblasti privrede, kulture i drugim područjima, te razvijati posebne prijateljske odnose.

O uspostavljanju saradnje i posebnih prijateljskih odnosa između Općine Silivri i Grada Visoko potpisat će se sporazum o prijateljstvu.

Član 2.

Sporazum o prijateljstvu Općine Silivri i Grada Visoko potpisat će Načelnik Općine Silivri i Gradonačelnik Grada Visoko.

Član 3.

Ova odluka stupa na snagu danom objavljivanja u „Službenom glasniku Grada Visoko“.

Broj: 02/1-02-137/23
27.04.2023. godine
Visoko

PREDSJEDAVAJUĆI
Gradskog vijeća Visoko
Nikola Pekić, s.r.

38.

Na osnovu člana 17. Zakona o komunalnim djelatnostima ZDK („Službene novine ZDK“, broj: 17/08) i člana 21. Statuta Grada Visoko („Službeni glasnik Grada Visoko“, broj: 10/21), Gradsko vijeće Visoko, na 27. sjednici, održanoj 27.04.2023. godine, donijelo je

ODLUKU

o izmjenama Programa utroška sredstava za tekuće održavanje u 2023. godini

I

U članu I Programa, tačke 4. i 5. u tabeli mijenjaju se na sljedeći način:

- Tačka 4. Održavanje pružnih prelaza u iznosu od 21.000,00KM mijenja se i glasi: „4. Održavanje pružnih prelaza - 40.000,00KM“.
- Tačka 5. Održavanje mostova u iznosu od 20.000,00 KM mijenja se i glasi: Održavanje mostova – 1.000,00 KM.
- Preostali dio Programa, kao i ukupan iznos Programa od 488.000,00 KM ostaju nepromijenjeni.

II

Odluka o izmjenama Programa utroška sredstava za tekuće održavanje u 2023. godini stupa na snagu danom donošenja, a biće objavljena u „Službenom glasniku Grada Visoko“.

Broj: 02/1-02-135/23
27.04.2023. godine
Visoko

PREDSJEDAVAJUĆI
Gradskog vijeća Visoko
Nikola Pekić, s.r.

39.

Na osnovu člana 21. Statuta Grada Visoko („Službeni glasnik Grada Visoko“, broj: 10/21) i Programa utroška sredstava za tekuće

održavanje u 2023. Godini, Gradsko vijeće Visoko, na 27. sjednici, održanoj 27.04.2023. godine, donijelo je

ODLUKU

o davanju saglasnosti za potpisivanje ugovora o održavanju putnih prijelaza za 2023. godinu

Član 1.

Daje se saglasnost Gradonačelniku Grada Visoko da potpiše ugovor o održavanju putnih prijelaza za 2023. godinu, između JP Željeznice FBiH i Grada Visoko (u daljnjem tekstu: Ugovor).

Član 2.

Sredstva u iznosu od 39.946,00 KM potrebna za plaćanje po Ugovoru isplatit će se sa razdjela – 05 01 001, Služba za infrastrukturu, ekologiju, komunalne i inspeksijske poslove, sa ekonomskog koda 613700, pozicija 1.1.10. Izdaci za Program tekućeg održavanja, a na osnovu usvojenog Programa utroška sredstava za tekuće održavanje u 2023. godini. Sredstva će se uplatiti na račun JP Željeznice FBiH, a shodno odredbama iz Ugovora.

Član 3.

Za realizaciju ovog Zaključka zadužuju se Služba za infrastrukturu, ekologiju, komunalne i inspeksijske poslove i Služba za finansije, privredu, poslovne prostore i ekonomski razvoj, svako u okviru svojih nadležnosti.

Član 4.

Odluka stupa na snagu danom donošenja, a biće objavljena u „Službenom glasniku Grada Visoko“.

Broj: 02/1-02-136/23
27.04.2023. godine
Visoko

PREDSJEDAVAJUĆI
Gradskog vijeća Visoko
Nikola Pekić, s.r.

40.

Na osnovu člana 21. Statuta Grada Visoko („Službeni glasnik Grada Visoko“, broj: 10/21) i člana 19. stav 2. Odluke o komunalnom redu („Službeni glasnik općine Visoko“, broj: 9/18 i „Službeni glasnik Grada Visoko“, broj: 2/20), Gradsko vijeće Visoko, na 27. sjednici, održanoj 27.04.2023. godine, donijelo je

ODLUKU

o davanju saglasnosti na Program utvrđivanja lokacija za zauzimanje javnih površina na području Grada Visoko

Član 1.

Ovom odlukom daje se saglasnost na Program utvrđivanja lokacija za zauzimanje javnih površina na području Grada Visoko, broj: 01/1-02-621/23 od 17.04.2023. godine.

Član 2.

Program utvrđivanja lokacija za zauzimanje javnih površina na području Grada Visoko prilog je ove odluke.

Član 3.

Ova odluka stupa na snagu danom objavljivanja u „Službenom glasniku Grada Visoko“.

Broj: 02/1-02-141/23
27.04.2023. godine
Visoko

PREDSJEDAVAJUĆI
Gradskog vijeća Visoko
Nikola Pekić, s.r.

41.

Na osnovu člana 22, člana 23 i člana 53. Zakona o stvarnim pravima ("Službene novine Federacije Bosne i Hercegovine", br. 66/13, 100/13, 32/19 - Odluka Ustavnog suda), člana 13. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", broj 49/06), člana 21. Statuta Grada Visoko ("Službeni glasnik Grada Visoko", broj: 10/21) i zahtjeva za izgradnju saobraćajnice Han-Do u MZ Goduša, Gradsko vijeće Visoko, na 27. sjednici, održanoj 27.04.2023. godine, donijelo je:

ODLUKU

O DAVANJU SAGLASNOSTI ZA ZAKLJUČIVANJE UGOVORA O PRENOSU PRAVA SVOJINE BEZ NAKNADE

Član 1.

Ovom Odlukom, a radi izgradnje saobraćajnice Han - Do u MZ Goduša, Grad Visoko, dužine 544,30 m, širine 2,80 m, prema Projektu urađenom od ARTING BH d.o.o. Sarajevo, broj projekta: 055-10/20-p od oktobra

2020.godine, daje se saglasnost Gradonačelniku Grada Visoko, gospodinu Mirzi Ganiću, da u ime Grada Visoko sa fizičkim licima zaključi Ugovore o prenosu svojine na nekretninama označenim kao k.č.br.: 829/8, 842/2, 842/3, 843/2, 844/2, 845/2, 846/2, 436/7, 436/6, 436/5, 435/4, 435/3, 841/2, 841/4, 841/5, 840/2, 839/2, 838/2, 829/6, sve upisane u K.O.Goduša, Grad Visoko, sa dosadašnjih nosioca prava na Grad Visoko kao novog nosioca prava, besplatno odnosno bez ikakve naknade za predmetne nekretnine.

Član 2.

Za nekretnine označene kao k.č.842/2 i k.č.836/7, koje su navedene u članu 1. ove odluke, Ugovori o prijenosu svojine na istim će se zaključiti nakon što se steknu zakonski uslovi.

Član 3.

Troškove zaključenja Ugovora iz prethodnog člana i obavezu plaćanja poreza na promet nekretnina, kao i sve druge troškove prenosa snosi Grad Visoko.

Član 4.

Ova odluka stupa na snagu danom objave u "Službenom glasniku Grada Visoko".

Broj: 02/1-02-138/23
27.04.2023. godine
Visoko

PREDSJEDAVAJUĆI
Gradskog vijeća Visoko
Nikola Pekić, s.r.

42.

Na osnovu člana 22., 26. i 37. stav 1. i 3. Zakona o stvarnim pravima („Službene novine FBiH“, br. 66/13 i 100/13), člana 13. Zakona o principima lokalne samouprave u FBiH („Službene novine FBiH“ broj 49/06), člana 21. Statuta Grada Visoko („Službeni glasnik Grada Visoko“, broj 10/21) i Prijedloga za sporazumnu diobu, Gradsko vijeće Visoko, na 27. sjednici održanoj, dana 27.04.2023.godine, donijelo je

ODLUKU

Član 1.

U svrhu razvrgnuća i diobe suvlasništva, Gradsko vijeće Visoko donosi odluku o diobi, tj.razvrgnuću suvlasničke

zajednice, na nekretninama označenim kao k.č.1232, 1233, 1234, 1235, 1236 i 1239 sve K.O. Visoko na kojima je upisano pravo suvlasništva u korist Općine Visoko sa jedne strane i „Suša – commerce“ d.o.o. Visoko, te Karavdić Omera sina Hasana iz Visokog sa druge strane.

Član 2.

Dioba nekretnina iz člana 1. ove Odluke ima se izvršiti na način da će se nekretnine označene kao k.č.: 1232, 1233 i 1239 cijepati na novonastale parcele k.č.: 1232/1, 1232/2, 1233/1, 1233/2, 1233/3, 1239/1 i 1239/2 dok će nekretnine označene kao k.č.:1234, 1235, 1236 ostati u dosadašnjim granicama, kako je to opisano i prikazano u nalazu i mišljenju ,broj:04-19-19429/22 od 14.03.2023.godine, stalnog sudskog vještaka geod.struke Fuada Kukića, koji je prilog ove Odluke.

Dioba na novonastalim parcelama će se izvršiti srazmjerno veličini suvlasničkih udjela, na dosadašnjim parcelama opisanim u članu 1.ove Odluke, tako da će:

- parcele:

- k.č. 1232/2 “Ciglane” voćnjak 3.klase, površine 494 m2,
- k.č. 1233/1 “Ciglane” njiva 2.klase, površine 1483 m2,
- k.č. 1239/2 “Ciglane” njiva 2.klase 492m2 i njiva 3.klase 5204m2, ukupne površine 5696 m2

pripasti Gradu Visoko sa pravom vlasništva i udjelom od 1/1,

- parcele

- k.č. 1232/1 “Ciglane” pom. zgr. 4 m2 i voćnjak 3. klase 1016 m2, ukupne površine 1020 m2,
- k.č.1233/2 “Ciglane” njiva 2. klase, površine 329 m2,
- k.č.1234 “Ciglane” stamb. zgr. 108 m2, pom. zgr. 62 m2, pom. zgr. 36 m2, pom. zgr. 19 m2 i dvorište 1113 m2, ukupne površine 1338 m2,
- k.č.1235 “Ciglane” njiva 2.klase, površine 1569 m2,
- k.č.1236 “Ciglane”voćnjak 3.klase, površine 322 m2,
- k.č.1239/1 “Ciglane”njiva 2. klase 1096 m2 i njiva 3. klase 13143 m2, ukupne površine 14239 m2

pripasti "Suša-commerce"- u d.o.o. Visoko sa pravom vlasništva i udjelom od 1/1

- parcela

- k.č. 1233/3 "Ciglane" njiva 2. klase, površine 363 m²

pripasti Karavdić Omeru sinu Hasana sa pravom vlasništva i udjelom od 1/1.

Član 3.

Gradsko vijeće Visoko ovlašćuje Gradonačelnika Mirzu Ganića da može zaključiti ugovor o razvrgnuću i diobi suvlasništva na k.č.1232, 1233, 1234, 1235, 1236 i 1239, sve K.O. Visoko na način kako je to odlučeno u članu 2. ove Odluke.

Član 4.

Troškove zaključenja ugovora o diobi, obavezu plaćanja poreza na promet nekretnina, kao i sve druge troškove snosi "Suša-commerce" d.o.o. Visoko.

Član 5.

Ova Odluka stupa na snagu danom objave u "Službenom glasniku Grada Visoko".

Broj: 02/1-02-139/23
27.04.2023. godine
Visoko

PREDSJEDAVAJUĆI
Gradskog vijeća Visoko
Nikola Pekić, s.r.

43.

Na osnovu člana 363. stav 3. tačka 5. Zakona o stvarnim pravima ("Službene novine Federacije Bosne i Hercegovine", br. 66/13 i 100/13), člana 13. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", broj 49/06), člana 21. Statuta Grada Visoko ("Službeni glasnik Grada Visoko", broj 10/21) i zahtjeva za otkup nekretnine radi oblikovanja građevinske čestice putem neposredne pogodbe, Gradsko vijeće Visoko, na 27. sjednici, održanoj 27.04. 2023. godine donijelo je

ODLUKU O PRODAJI NEKRETNINE PUTEM NEPOSREDNE POGODBE

Član 1.

Ovom Odlukom odobrava se prodaja putem neposredne pogodbe neizgrađenog

građevinskog zemljišta u vlasništvu Grada Visoko putem neposredne pogodbe, radi oblikovanja građevinske čestice u sklopu postojeće građevinske parcele k.č. 3746/1 K.O.Visoko u Visokom

Član 2.

Predmet prodaje je:

1. Zemljište upisano u z.k.ul.br.: 980, K.O.Visoko, označeno kao:

- k.č.br.: 3748/1, u naravi gradilište 0, ukupne površine 33m², na kojoj je upisano pravo raspolaganja udio 1/1 u korist Općine Visoko, te je Općina Visoko uknjižena sa privremenim pravom korištenja zemljišta.

Član 3.

Cijena zemljišta označenog u članu 2. ove Odluke iznosi 47,10 km/m², tako da ukupna kupoprodajna cijena za predmetno zemljište iznosi 1.554,30 KM (slovima: hiljadupetstotina pedesetčetiri i 30/100 KM).

Prodajna cijena za predmetnu nekretninu - zemljište utvrđena je od sudskog vještaka građevinske struke Burić Kemala, a prema aktuelnim tržišnim cijenama.

Član 4.

Kupoprodajnu cijenu predmetne nekretnine u iznosu od 1.554,30 KM (slovima: hiljadupetstotina pedesetčetiri i 30/100 KM) kupac je dužan uplatiti u roku od 15 dana od dana zaključivanja ugovora o kupoprodaji kod notara, na Depozitni račun Grada Visoko broj: 1990470004018370, putem Sparkasse banke d.d. BiH, sa naznakom vrste prihoda broj: 721 239.

Član 5.

Ovlašćuje se gradonačelnik Grada Visoko, gospodin Mirza Ganić, da može u postupku neposredne pogodbe u svrhu oblikovanja građevinske čestice k.č.3746/1 K.O.Visoko, zaključiti ugovor o prodaji i prenosu prava vlasništva na parceli k.č. 3748/1, K.O.Visoko, u naravi gradilište 0, ukupne površine 33m² na kojoj je upisano pravo raspolaganja udio 1/1 u korist Općine Visoko, te je Općina Visoko uknjižena sa privremenim pravom korištenja zemljišta sa

kupcem Hasković Izetom i Hasković Sehijom, po cijeni naznačenoj u članu 3.ove Odluke .

Član 6.

Troškove zaključivanja kupoprodajnog ugovora i obavezu plaćanja poreza na promet nekretnina, kao i sve druge troškove snose kupci.

Član 7.

Ova odluka stupa na snagu danom objave u "Službenom glasniku Grada Visoko".

Broj: 02/1-02-140/23
27.04.2023. godine
Visoko

PREDSJEDAVAJUĆI
Gradskog vijeća Visoko
Nikola Pekić, s.r.

44.

Na osnovu člana 6. Zakona o javnim preduzećima FBiH ("Službene novine FBiH" broj 8/05,81/08,22/09 i 109/12), člana 234. Zakona o privrednim društvima FBiH ("Službene novine FBiH broj 81/15), člana 21. Statuta Grada Visoko ("Službeni glasnik Grada Visoko" broj 10/21) i člana 5. Odluke o imenovanju predstavnika-punomoćnika Grada Visoko u skupštine javnih preduzeća Grada Visoko ("Službeni glasnik Grada Visoko" broj 04/21) Gradsko vijeće Visoko, na 27.sjednici, održanoj 27.04.2023. godine, donijelo je

ZAKLJUČAK

I

Gradsko vijeće Visoko ovlašćuje predstavnika - punomoćnika Grada Visoko u Skupštini JKP "Visoko" d.o.o Visoko da donese Odluku o konačnom imenovanju članova Odbora za reviziju JKP "Visoko"d.o.o Visoko na osnovu Odluke Nadzornog odbora o prijedlogu kandidata za konačno imenovanje Odbora za reviziju JKP "Visoko" d.o.o Visoko, broj 3-NO/22 od 11.03.2023. godine.

II

Obavezuje se predstavnik – punomoćnik Grada Visoko u Skupštini JKP "Visoko" d.o.o Visoko da nakon donošenja Odluke istu objavi u "Službenom glasniku Grada Visoko".

III

Ovaj zaključak stupa na snagu danom donošenja i objavit će se u "Službenom glasniku Grada Visoko".

Broj: 02/1-02-142/23
27.04.2023. godine
Visoko

PREDSJEDAVAJUĆI
Gradskog vijeća Visoko
Nikola Pekić, s.r.

45.

Na osnovu člana 30.Statuta Grada Visoko („Službeni glasnik Općine Visoko“, broj: 10/21) i člana 19.stav 2.Odluke o komunalnom redu („Službeni glasnik Općine Visoko“, broj: 9/18 i „Službeni glasnik Grada Visoko“, broj: 2/20), Gradonačelnik Grada Visoko donosi:

PROGRAM

utvrđivanja lokacija za zauzimanje javnih površina na području Grada Visoko

I - Uvod

Član 1.

- 1) Programom utvrđivanja lokacija za zauzimanje javnih površina na području Grada Visoko (u daljem tekstu: Program) utvrđuju se lokacije, uslovi i visina naknade za privremeno zauzimanje javnih površina.

II - Lokacije i naknade za postavljanje ljetne ili zimske bašte

Član 2.

- 1) Vlasnicima i zakupcima poslovnih prostora na području Grada Visoko registrovanim za obavljanje ugostiteljske djelatnosti može se odobriti privremeno zauzimanje javne površine ispred poslovnih prostora u svrhu postavljanja ljetne ili zimske bašte ukoliko postoje urbanističko-tehnički uslovi.
- 2) Zahtjev za izdavanje odobrenja za privremeno zauzimanje javne površine podnosi se Službi za finansije, privredu, poslovne prostore i ekonomski razvoj.
- 3) Privremeno zauzimanje javne površine iz prethodnog stava ovog člana odobrava se na period od najviše jedne godine, s tim da

se zauzimanje radi postavljanja ljetne bašte odobrava za period od 1.aprila do 30.septembra, a zauzimanje radi postavljanja zimske bašte odobrava za period od 1.oktobra do 31.marta.

- 4) Privremeno zauzimanje javne površine u svrhu postavljanja ljetne ili zimske bašte koja nije sastavni dio poslovnog prostora vrši se na osnovu provedenog javnog poziva, u skladu sa Odlukom o komunalnom redu i programom.

Član 3.

- 1) Lokacije za privremeno zauzimanje javne površine u svrhu postavljanja ljetne ili zimske bašte podijeljene su u tri zone.
- 2) I zona obuhvata ulice: Čaršijska, Alije Izetbegovića, Matrakčijina, Hazima Dedića, Branilaca BiH i Donje Rosulje.
- 3) II zona obuhvata ulice: Gornje Rosulje, Kralja Tvrtka i Mule Hodžića.
- 4) III zona obuhvata ulice koje nisu u I i II zoni, kao i područje izvan užeg gradskog jezgra.

Član 4.

- 1) Visina naknade za privremeno zauzimanje javne površine u svrhu postavljanja ljetne ili zimske bašte, zavisno od zone u kojoj se ista nalazi, iznosi:
 - a) I zona: 7,00 KM po m² mjesečno,
 - b) II zona: 3,50 KM po m² mjesečno,
 - c) III zona: 2,00 KM po m² mjesečno.
- 2) Početna cijena za privremeno zauzimanje javne površine u svrhu postavljanja ljetne ili zimske bašte koja nije sastavni dio poslovnog prostora i koja se dodjeljuje putem javnog poziva iznosi 5,50 KM po m² mjesečno.
- 3) Visina naknade za privremeno zauzimanje javne površine u svrhu postavljanje ljetne ili zimske bašte ispred poslovnog prostora na koje pravo raspolaganja i upravljanja ima Grad Visoko i koji je dodijeljen putem javnog poziva iznosi 2,00 KM po m² mjesečno.

III - Uslovi za postavljanje ljetne ili zimske bašte

Član 5.

- 1) Gradska služba za finansije, privredu, poslovne prostore i ekonomski razvoj

utvrđuje uslove za postavljanje ljetne ili zimske bašte i izdaje odobrenje za privremeno zauzimanje javne površine, a po potrebi pribavlja mišljenje vještaka urbaniste.

- 2) Privremeno zauzete javne površine, neovisno od uslova utvrđenih u odobrenju, moraju ispunjavati slijedeće uslove:
 - a) prostor koji ostaje za pješake ne smije biti uži od 1-1,50m;
 - b) udaljenost eventualno postavljenih prepreka (žardinjera, vazni, stubića i sl.) od ruba ceste ili ulice ne smije biti manja od 1,00m, a iste (prepreke) se uračunavaju u ukupno zauzetu površinu;
 - c) površine na kojima se nalaze ventilacioni, kanalizacioni otvori i uređaji za odvodnju atmosferskih i oborinskih voda i slično, moraju ostati slobodne;
 - d) visina prepreke (žardinjera, vazni, stubića i sl.) ne može bit veća od 1,00m;
 - e) ukoliko se privremeno zauzeti prostor nalazi djelimično ili u cjelosti na javnoj zelenoj površini, površina se mora zaštititi montažno-demontažnom podlogom i ukloniti poslije isteka odobrenja;
 - f) po proteku vremena određenog u odobrenju za zauzimanje javne površine, mora se ukloniti sve što je bilo u njenoj funkciji, a površina se mora privesti prvobitnoj namjeni (sanirati) u roku od 24 sata od dana proteka vremena, odnosno isteka roka o trošku korisnika;
 - g) postavljanjem privremenih objekata ne smije se spriječiti ili otežati korištenje zgrada ili drugih objekata i ugrožavati bezbjednost saobraćaja vozila i pješaka;
 - h) postavljanje privremenih objekata u blizini raskrsnice mora odgovarati bezbjednosti saobraćaja i ne smije svojim položajem smanjiti preglednost i odvijanje saobraćaja (zaklanjati signalizaciju i slično);
 - i) privremeni objekti se mogu postavljati samo na mjesta na kojima neće dolaziti do suvišne buke, uznemiravanja građana, prljanja javne površine i

ometanja saobraćaja, te na kojima se neće umanjiti estetski opći izgled tog mjesta.

IV - Lokacije i uslovi za postavljanje tezgi, stolova, zabavnih parkova i slično

Član 6.

- 1) Privremeno zauzimanje javne površine u svrhu postavljanja tezgi, stolova, zabavnih parkova i sl. odobrava, po podnesenom zhtatjevu, nadležna služba ukoliko postoje urbanističko-tehnički uslovi, a po potrebi pribavlja mišljenje vještaka urbaniste.
- 2) U slučaju da nadležna služba zaprimi dva ili više zhtatjeva za privremeno zauzimanje javne površine na istoj lokaciji, dodjela javne površine se vrši po redosljedi zaprimljenih zhtatjeva.

Član 7.

- 1) Lokacije za privremeno zauzimanje javne površine iz člana 6. Programa su:
 - a) za prodaju bobičastog voća: Ul. šehida Resula (pet lokacija preko puta Apoteke Sarajevo) i Naselje Luke (pet lokacija kod poslovnog objekta Kašmir) - period zauzimanja maj-juli (sezonsko zauzimanje),
 - b) za postavljanje zabavnog parka, naprava u svrhu djelatnosti cirkusa i luna parkova: plato ispred KSC „Mladost“,
 - c) za postavljanje drugih zabavnih sadržaja: plato ispred KC Altindag i Gradski park,
 - d) za postavljanje stolova, tezgi i sl. radi prodaje ukrasnih predmeta, cvijeća i slično, u dane državnih i drugih praznika kada je to uobičajeno (najduže do 10 dana i najviše do 5m²): Ul. Čaršijska, Ul. A. Izetbegovića i Ul. Branilaca BiH.

Član 8.

- 1) Privremeno zauzimanje javne površine u svrhu postavljanja pokretnih naprava, nadstrešnica, tendi, štandova, tezgi, klupa i kolica za prodaju raznih artikala, rashladnih uređaja, ugostiteljskih i sličnih prikolica, automata, peći i naprava za pečenje, stolova, stolica i raznih vrsta

naprava koje se postavljaju ispred ugostiteljskih, zanatskih i drugih radnji, privremenih prodajnih i izložbenih mjesta na javnim površinama vrši se na osnovu odobrenja nadležne službe i urbanističko-tehničkih uslova.

V - Naknade za postavljanje tezgi, stolova, zabavnih parkova i slično

Član 9.

- 1) Visina naknade za privremeno zauzimanje javne površine iz člana 7. i 8. Programa iznosi:
 - a) za prodaju bobičastog voća - 50,00 Km mjesečno,
 - b) za postavljanje zabavnog parka, naprava u svrhu djelatnosti cirkusa, luna parkova i drugih zabavnih sadržaja - 1 KM po m² mjesečno,
 - c) za postavljanje stolova, tezgi i sl. u svrhu prodaje ukrasnih predmeta, cvijeća, čestitki, suvenira i slično, u dane državnih i drugih praznika kada je uobičajeno (najduže do 10 dana i najviše do 5m²) - 20,00 KM po jednom prostoru,
 - d) za postavljanje pokretnih naprava, nadstrešnica, tendi, štandova, tezgi, klupa i kolica za prodaju raznih artikala, rashladnih uređaja, ugostiteljskih i sličnih prikolica, automata, peći i naprava za pečenje, stolova, stolica i raznih vrsta naprava koje se postavljaju ispred ugostiteljskih, zanatskih i drugih radnji, privremenih prodajnih i izložbenih mjesta na javnim površinama i sl. - 50,00 KM mjesečno.
- 2) Jednokratno zauzimanje javne površine do 1,00 m² u svrhu prikupljanja donacija za liječenje bolesnih osoba, promovisanje javnog zdravstva, higijene, bezbjednosti, komunalnog reda, volonterizma i drugih općekorisnih i humanitarnih akcija može se odobriti bez naknade, po prethodnoj najavi komunalnoj inspekciji.

VI - Naknade za ostala zauzimanja javne površine**Član 10.**

- 1) Visina naknade za ostala zauzimanja javne površine iznosi:
 - a) za istovar, smještaj i utovar ogrijevnog ili građevinskog materijala, te popravke vanjskih dijelova zgrade/objekta i slične građevinske radove - 10 KM dnevno.
 - b) za podizanje skela, polaganje tračnica za kran i druge građevinske mašine, te slične građevinske radove - 0,50 KM po m² dnevno,
 - c) za izlaganje robe izvan poslovnih prostorija na javnim površinama iznosi:
 - do 5m² - 50 KM mjesečno,
 - preko 5 m² - 30 KM mjesečno.

VII - Ostali uslovi za privremeno zauzimanje javne površine**Član 11.**

- 1) Korisnici javne površine dužni su prije izdavanja odobrenja nadležne gradske službe platiti naknadu utvrđenu ovim programom.
- 2) Korisniku koji ima evidentiranih neplaćenih kazni po Odluci o komunalnom redu, a koje su zavedene u Registru novčanih kazni, kao i dugovanje iz prethodnog perioda po osnovu zauzimanja javne površine, neće se dozvoliti privremeno zauzimanje javne površine dok isto ne izmiri, što nadležna služba provjerava službenim putem.
- 3) Uz zahtjev za privremeno zauzimanje javne površine u svrhu postavljanja ljetne ili zimske bašte, podnosilac zahteva dužan je priložiti odobrenje za rad nadležnog organa.
- 4) Ako se radi o privremenom zauzimanju javne površine radi postavljanja stolova, pokretnih naprava, štandova, tezgi, klupa i kolica za prodaju raznih artikala i sl, podnosilac zahtjeva je dužan da po dobivanju odobrenja za privremeno zauzimanje javne površine, pribavi odobrenje za rad od gradske službe nadležne za poslove privrede.

- 5) Ako se radi o privremenom zauzimanju javne površine radi postavljanja stolova, pokretnih naprava, štandova, tezgi, klupa, kolica i sl. u svrhu prodaje gotovih jela (palačinci, kokice, kuhani kukuruz i sl.), podnosilac zahtjeva je uz zahtjev dužan priložiti sanitarni legitimaciju izdatu od nadležne zdravstvene ustanove i sanitarnu saglasnost izdatu od nadležnog sanitarnog inspektora.
- 6) Ako se radi o privremenom (sezonskom) zauzimanju javne površine u svrhu postavljanja tezgi za prodaju bobičastog voća, podnosilac zahtjeva je uz zahtjev dužan priložiti uvjerenje gradske službe nadležne za poslove privrede o upisu u registar poljoprivrednih proizvođača.

VIII - Završne odredbe**Član 12.**

- 1) Odobreno privremeno zauzimanje javne površine ne odnosi se na period u kojem se održava Manifestacija „Visočko ljetno“.
- 2) Zahtjevi za privremeno zauzimanje javne površine u vrijeme održavanja Manifestacije „Visočko ljetno“ podnose se organizatoru ove manifestacije koji određuje visinu naknade za zauzimanje javne površine u tom periodu.

Član 13.

- 1) Stupanjem na snagu ovog programa prestaje da važi Program lokacija i naknada za privremeno zauzimanje javne površine na području Grada Visoko broj: 01/1-02-488/22 pod 21.04.2022.godine („Službeni glasnik Grada Visoko“, broj: 4/22).

Član 14.

Ovaj program stupa na snagu danom davanja saglasnosti Gradskog vijeća Visoko i objavit će se u „Službenom glasniku Grada Visoko“.

Broj: 01/1-02-621/23
17.04.2023. godine
Visoko

GRADONAČELNIK
mr. sci Mirza Ganić
dipl.ing. s.r.

S A D R Ź A J		Strana
I GRADSKO VIJEĆE VISOKO		
37.	Odluka o uspostavljanju saradnje i prijateljstva između Općine Silivri u Republici Turskoj i Grada Visoko	1
38.	Odluka o izmjenama Programa utroška sredstava za tekuće održavanje na području Grada Visoko za 2023. godinu	1
39.	Odluka o davanju saglasnosti za zaključivanje ugovora o održavanju putnih prijelaza na području Grada Visoko za 2023. godinu	2
40.	Odluka o davanju saglasnosti na Program utvrđivanja lokacija za zauzimanje javnih površina na području Grada Visoko	2
41.	Odluka o davanju saglasnosti za zaključivanje ugovora o prenosu prava svojine	2
42.	Odluka o diobi suvlasničke zajednice	3
43.	Odluka o prodaji nekretnine putem neposredne pogodbe	4
44.	Zaključak o davanju ovlaštenja predstavniku u Skupštini JKP “Visoko” d.o.o. Visoko, za imenovanje Odbora za reviziju	5
II GRADONAČELNIK		
45.	Program utvrđivanja lokacija za zauzimanje javnih površina na području Grada Visoko	5

Izdavač: Grad Visoko, ul. Alije Izetbegovića br. 12A, Visoko

Uređuje: Muhamed Halilbegović, viši stručni saradnik

Glavni i odgovorni urednik: Zekija Omerbegović, sekretar Gradskog vijeća, **Telefon:** 032/732-502

Štampa: Grafički obrt „REMIX“ Visoko, **Telefon:** +387 32 746 038, **Mob:** +387 61 780 698